

**ZAPISNIK SA 37. SJEDNICE UO SAMOSTALNOG SINDIKATA RADNIKA U BHRT-u, KOJA JE
ODRŽANA U UTORAK 26.12.2017.GODINE**

Prisutni: D. Smital; E. Čengić; Dž. Kahrica; N. Žuga; G. Brkić; M. Grbo; M. Baručija; E. Fočo;
N. Arnautović; M. K. Pašalić; D.Miljević; N. Čordalija

Odsutni: O. Bukić; B.Hamzagić; S.Topalić; N. Hodžić; - **neopravdano**

Dnevni red:

1. Zapisnik sa 36. sjednice
2. Aktuelna situacija u BHRT-u
3. Skupština (priprema)
4. Izvještaj sa radionice o kolektivnim ugovorima (D. Smital)
5. Finansije
6. Izvještaj i specifikacija BSO za oktobar 2017 (N. Žuga)
7. Dodjela pomoći
8. Razno
- Penzioneri
- Ugovori o saradnji - informacija

AD 1. D.Smital je u 12.39 sati na osnovu člana 35. Statuta Samostalnog sindikata radnika u BHRT-u, otvorio 37. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 36. Sjednice je također jednoglasno usvojen uz korekciju E.Čengića o opravdanim i neopravdanim izostancima sa prošle sjednice.

AD 2. D.Smital je izvjestio UO Sindikata da se neposredno prije sastanka dobio informaciju od direktora da će do kraja godine biti isplaćeno najmanje 80% plate za novembar. 15.12.2017.godine Dž.Kahrica I E.Čengić su održali kratki sastanak sa generalnim direktorom po pitanju plate I mogućnosti isplate zimnice I tada su dobili istu informaciju da menadžment nastoji do kraja godine isplatiti novembarsku platu a isplata zimnice nije moguća zbog revizije koja je to ukazala.

G.Brkić je izvjestio da je održan sastanak članova Podružnice iz Podružnica BHT1, BH Radija 1 i MP sa generalnim direktorom, vezano za aktuelnu situaciju u BHRT-u. Osim tema isplate plaća i zaostalih dugovanja, rtv takse, odnosa sa entitenskim emiterima, posebno su izdvojeni i apostrofirani problemi produkcije i (ne)razvoja u toj oblasti, te evidentan gubitak dosad jedine komparativne programske prednosti BHT1 u odnosu na druge televizije – a to je sportski program, posebno pratenje i prijenosi reprezentativnih selekcija BIH. Inače, sastanku je osim članova sindikata iz sportskog programa prisustvovao zanemarivo mali broj članova sindikata iz ostalih dijelova BHT1, što je porazan podatak. N.Čordalija je izvjestio da je održan sastanak članova Podružnice Zajedničke funkcije sa generalnim direktorom na kojem je odziv članova bio po njegovim rječima vrlo dobar. Pored osnovni pitanja kao I na drugim podružnicama u vezi plate I toplog obroka, postavljeno je pitanje u vezi zhovora BHRT-a sa EP I mogućnosti produženja poslije 2017.godine. Prema rječima generalnog direktora na tom sastanku, na proljeće se nastavlja sa pronalaženjem rješenja za produženje ugovora. Postavljeno je pitanje o bolovanjima od pola godine-godinu dana I mogućnosti da se ta sredstva koja se uštede dijele na uposlenike koji rade. Prema rječima generalnog direktora koji je to na podružnici I objasnio da to nije moguće. Istaknut je problem minimalnih plata u ovoj podružnici I dogovoreno je da se zahtjev iz ove podružnice dostavi uz zahtjev Podružnice Imovine. N.Čordalija je izvjestio da se nakon sastanka sa generalnim direktorom održao I sastanak podružnice na kojem je jednoglasno izabrana Rialda M.Oćuz kao povjerenik podružnice. D.Smital je tražio da se dostavi sindikatu zapisnik odnosno odluka o novom povjereniku. N.Žuga je izvjestio UO da su 03.11.2017. direktor PEP-a I rukovodilac za HTZ opremu su poslali zahtjev sa spiskom neophodne opreme generalnom direktoru I pomoćnici za razvoj. D.Smital I E.Čengić su zamolili predstavnike PEP-a u UO da se obavjesti članstvo da je zahtjev za HTZ opremu upućen linijom menadžmenta a ne preko sindikata.

UO Sindikata je za pripremu Skupštine sindikata koja bi se trebala održati početkom 2018. godine za izvještaj o radu zadužio E.Čengića I Dž.Kahricu, za finansijksi izvještaj V.Čosović, za izvještaj o pomoći N.Žugu a za plan i program rada D.Smitala.

Damir Smital je izvjestio UO o učesću na Radionici o kolektivnim ugovorima u Javnim servisima i ulozi novinara u sindikatu koja je u organizaciji regionalne mreže sindikata „Solidarnost“ održana u Vrnjačkoj banji od 13 do 15 decembra a na kojoj su se razmatrale 3 teme:

1. Kolektivni ugovori u Javnim servisima u regionu.
2. Šta sindikati mogu ponuditi prekarnim radnicima (honorarci, radnici na određeno i sl.)?
3. Uloga novinara u sindikatima

Poziv smo dobili od Saveza sindikata BiH a poseban akcent radionice je bio na ne-postojanje kolektivnih ugovora te su otvoreni kontakti i saradnja sa sindikatima javnih servisa iz okruženja. D.Smital je istakao da je u poredjenju sa javnim servisima iz okruženja BHRT broji najmanje zaposlenih pa tako RTCG broji oko 1000, RTVM 886, RTS 3270 HRT 2800 RTV Slo oko 2000 zaposlenih.

Jedna od tema radionice je bila i odnos sindikata sa honorarcima i mogućnost pomoći i zaštite sindikata prema tim radnicima.

M. K. Pašalić je zbog obaveza napustila sjednicu u 13h.

UO je usvojio odluku o troškovima službenog puta u Vrnjačku Banju u iznosu od 249,05 KM. Odluka je jednoglasno usvojena

AD 3. Izvještaj o finansijskom poslovanju sindikata za mjesec novembar 2017. godine je primljen k znanju.

AD 4. Izvještaj i specifikacija BSO za novembar 2017 je primljen k znanju. N.Žuga je napomenuo da više nije moguće registrovati vozilo preko sindikata u RS-u zbog agencija za nadzor i da se u narednom periodu očekuje uplata sredstava BSO osiguranja u skladu sa potpisanim ugovorom.

AD 5. Komisija za dodjelu finansijske pomoći (N.Žuga, G.Brkić, M.Grbo) predložila je da novčanu pomoć dobije Čamila Zeba 250KM i Igor Kasapović 350KM (Ildio). Ukupno 600KM. Poklon baby bon u iznosu od po 200KM su dobili: Merima Spahić, Muamer Harbaš i Harun Bošnjak. Prijedlog odluke komisije za dodjelu finansijske pomoći jednoglasno je usvojen za mjesec decembar 2017.godine.

AD 6. D.Smital je upoznao UO da je sindikat prema evidenciji članstva i informaciji koja je dostavljena od strane službe za ljudske resurse BHRT-a, 8 članova SSR u BHRT-u će zaključno sa 31.12.2017.godine ide u u penziju. UO je donio odluku da se za svakog člana koji ide u penziju izdvoje sredstva u iznosu od 150 KM po osobi. Za organizaciju ispračaja penzionera koji će se organizovati u januaru 2018. godine odobreno je do 150 KM.

-E.Čengić je izvjestio UO Sindikata da je u proteklom period obnovljen ugovor sa Termalnom rivijerom koji važi do 31.05.2018.godine. Potpisan je ugovor o saradnji sa Fitnes centrom Oxide Gym na Stupu i napravljena je saradnja sa Sportskim savezom KS za školu skijanja na Igmanu u ovoj sezoni. Na upit sindikata o saradnji, dobili smo poziv za sastanak sa Ski centrom Ravna planina koji ćemo organizovati poslije Nove godine zbog zdravstvenog stanja potpredsjednika sindikata.

-E.Čengić je predložio da se uputi dopis generalnom direktoru da se vrate odjavne špice na emisijama i programima koje naša kuća i njeni uposlenici realizuju. Ovaj prijedlog je jednoglasno podržan.

Sjednica je završena u 13:31. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital